

續修四庫全書



《續修四庫全書》編纂委員會編

續修四庫全書

上海古籍出版社

三五五・史部・編年類

皇明從信錄四十卷

〔明〕陳

建撰

〔明〕沈國元訂補

2277/05

皇明從信錄

〔明〕

陳建撰
沈國元訂補

據華東師範大學圖書館藏
明末刻本影印原書版框高
二一七毫米寬二九〇毫米

從信錄引

蓋聞翠媽綠圖。昭盛帝之錄。參漏四肘。
闕顯王之符。遐哉尚矣。然義琴虞瑟。治
化僅紀于一身。禹扇湯羅。全盛不驗乎
百載。未有鴻猷景燦。累洽重熙。若我
皇明之隆盛者也。洪惟我

太祖高皇帝。汎掃胡虜。肇造區夏。乾坤

繼而再闢。日月已明。而重光耀道。靈

衡古定制。使天下久治而不可亂。蓋得

統正而備法隆。於皇哉邁越千古矣。嗣

是

列聖承休。駿瑋益懋。明良喜起。陽和迴黍

谷之春。溥博昌明。下屋徹覆盆之照。伏

讀

寶錄寶訓諸書。以迄名賢碩士載紀。

聖子聖孫之令緒。亦既彰彰可考已。愚生

獨有感于萬曆之盛。而覺擬議之難。庸
也。夫濶安而知源靜。葉定而識根寧。繇
今日之治效。而想

神廟之所以潛維默運于中者。穆乎深矣
遠矣。當時在

廷諸臣。兢兢于典禮之大。咸以

郊廟

神銓補為請。不知至誠之格。原無取乎

恩殊錄之陳。事乃在。露禱所以致。爾爾

之應也。

天子之孝。亦不在于色養之節。

兩宮升遐。推恩所以廣

遺詔之旨也。陋傳餐衡石之規。即

翠華希御。然而

宸衷潛注。念照徹于百職幽微。厭釋經章

句之末。即

經席踈臨。然而

家法克遵。日玩釋乎

累朝實錄。以故

大本建倫序之元。藩封式

祖宗之制。定大紛。決大疑。獻大獄。息議論

之雲霓。靖西夏。平播州。援朝鮮。掃四郊

之多壘。在揆地者。蒙

恩累數。而休容以伸。居言責者。切直罔諱。

大本

年

而雷霆怒。豈與夫任相太專者。暴戾

權重而致疑。求言若渴者。或至無忌而

兆禍哉。蓋我

神宗顯皇帝。睿資英敏。而養之以淵靜。識

斷超軼。而出之以寬仁。學問深宏。而居

之以凝定。邁古之大德。震世之偉畧。固

難得而罄書矣。故

天眷用休。年所多歷。享盛治者四十有八

年。大德聖人與大福聖人而兼受。

少年天子。與

太平天子而交稱。於都盛矣。以續

列祖正中之治。以鞏百世悠裕之休。愚生

幸逢

盛際。身沐

皇仁。無以發揚大政。聊以得于見聞之確

者。手爲集錄。而敬銘之曰。從信云者。失

大本

由

亦附于庶民之徵云爾。

秀水經生沈國元敬書

從信錄總例

通紀創於東莞陳建。自洪永迄弘正。續紀補嘉隆兩朝。覽者以其編年敘事。文順義明。遂推爲

本朝典故權輿。然名賢輩出。博洽代興。憲章吾學。大政續編。典則統宗。紀聞彙編。史料之類。當

聖明不諱之朝。百家紛紛競勝。于是取通

紀

紀表之。刪蕪納新。削荒引實。參覈之詳。編摩之確。允稱精簡。

神廟嘉言善政彰彰在人耳目。然無成書。無以慰海內士民觀揚切念。今廣爲搜討。無慮千卷。連章隻字。罔不酌領。然必詳註所出。不敢掠前人之美也。

黃閣總揆。凡政令議論。當以此爲推準。故錄中必詳其餘。則以職掌之所在。定一是

而條隸之不復不濫。

凡無關大政。無裨實典。計奏而發毒相攻。徇私而致譽交舛。褒貶

君聽淆亂人情。雖工弗錄。至災侵變異。備載以驗占考。玄鳥履武。商周不遺。神語石言。盲史畢紀。意蓋深矣。

詔諭勅旨等項。凡係

天言。語語典詰。字字綽綽。何敢妄贊一辭。

謹

謹遵本文成句恭讀。以便後學誦習。

名賢奏對條議。洋洋灑灑。連篇累牘。讀者反復始了。今略爲標注圈讀。曉然揭其意指之所在。使人開卷卽得。亦助讀書之一捷也。

凡有益後場經濟者。全取節錄。或擬題。或稽引。展書確有平據。豈不快覽也哉。

萬曆歲庚申秋日。秀水沈國元識。

續修四庫全書 史部 編年類

皇明通紀從信錄卷目

太祖高皇帝紀

第一卷

壬辰元順帝至正十二年至丁酉十七年止

第二卷

戊戌元至正十八年至癸卯二十三年止

第三卷

甲辰元至正二十四年至丁未二十七年吳元年止

第四卷

戊申洪武元年至二年止

第五卷

庚戌洪武三年至辛亥四年止

第六卷

壬子洪武五年至丙辰九年止

第七卷

丁巳洪武十年至壬戌十五年止

第八卷

癸亥洪武十六年至戊辰二十一年止

第九卷

己巳洪武二十二年至甲戌二十七年止

第十卷

乙亥洪武二十八年至戊寅三十一年止

建文紀

第十一卷

己卯建文元年至庚辰二年止

第十二卷

辛巳建文三年至壬午四年止

成祖文皇帝紀

第十三卷

癸未永樂元年至戊子六年止

第十四卷

己丑永樂七年至十七年止

仁宗昭皇帝紀

第十五卷

庚子永樂十八年至乙巳洪熙元年止

宣宗章皇帝紀

第十六卷

丙午宣德元年至己未四年止

第十七卷

庚申宣德五年至乙卯十年止

英宗睿皇帝紀上	第十八卷
丙辰正統元年至戊辰十三年止	景皇帝紀
第十九卷	己巳正統十四年至辛未景泰二年止
英宗睿皇帝紀下	第二十卷
壬申景泰三年至天順二年止	第二十一卷
己卯天順三年至丙戌成化二年止	憲宗純皇帝紀
第二十二卷	丁亥成化三年至甲午十年止
第二十三卷	乙未成化十一年至丁未二十三年止
孝宗敬皇帝紀	第二十四卷
戊申弘治元年至丙辰九年止	第二十五卷

丁巳弘治十年至乙丑十八年止	武宗毅皇帝紀
第二十六卷	丙寅正德元年至癸酉八年止
第二十七卷	甲戌正德九年至辛巳十六年止
世宗肅皇帝紀	第二十八卷
壬午嘉靖元年至戊子七年止	第二十九卷
乙丑嘉靖八年至丙申十五年止	第三十卷
丁酉嘉靖十六年至丙午二十五年止	第三十一卷
丁未嘉靖二十六年至乙卯三十四年止	第三十二卷
丙辰嘉靖三十五年至丙寅四十五年止	穆宗莊皇帝紀
第三十三卷	丁卯隆慶元年至壬申六年止

續修四庫全書 史部 編年類

神宗顯皇帝紀

第三十四卷

癸酉萬曆元年至辛巳九年止

第三十五卷

壬午萬曆十年至丁亥十五年止

第三十六卷

戊子萬曆十六年至壬辰二十年止

第三十七卷

癸巳萬曆二十一年至甲午二十二年止

第三十八卷

乙未萬曆二十三年至丙午三十四年止

第三十九卷

丁未萬曆三十五年至壬子四十年止

第四十卷

癸丑萬曆四十一年至庚申四十八年止

皇明從信錄卷一

東莞 陳建輯

秀水 沈國元訂

壬辰 元至正十二年

高皇帝起兵濠州 帝之先江東句容朱家巷人 皇祖

熙祖始渡淮家泗州 皇考仁祖淳皇帝與 太后陳氏

徙濠之西鄉後遷太平鄉生四子長南昌王次盱眙王次

臨淮王 上季子也先是 陳太后夢一朱衣神僊藥如

九輝燁有光吞之既覺異香襲體遂娠焉及旦有光燭天

照耀千里異香經宿不散時元大曆元年戊辰九月十八

日也取河水澡浴忽有紅羅浮來遂取衣之故所居名紅

羅幃自是室中常有異光每嚮晦將寐忽灼爍如焚家人

疑火走護之竟無所見生數日不乳食 仁祖求醫歸遇

一僧詢故告之僧曰夜子時食矣 仁祖謝已忽不見夜

半果食兒時苦多病 仁祖欲度為僧 太后不欲至正

四年甲申 上年十七時值早疫父母三兄相繼病歿

上孤立無依乃遵先志遂托身皇覺寺在寺多異徵逾月

僧乏食散遣徒眾 上乃游江淮歷金斗光息潁州道病

有兩朱衣人與之同食息病已莫知所之嘗夜陷麻湖中

遇羣兒呼迎聖駕叱之不見崎嶇三載仍歸寺中時春秋

二十五矣時元政不綱四方兵起潁州劉福通潁縣李

二郭順方
不相上下
二馬今
大英

羅田徐壽輝等。各擁衆數萬。剽掠郡縣。定遠人郭子興。與
其黨孫德崖等。攻陷濠城。據之。元將徹里不花。率兵欲復
城。憚不敢進。惟日掠良民爲盜。以邀賞。百姓益洶洶不安。
其衆傑咸投入城。以自保。上乃祝伽藍神。卜筮得吉。遂
以三月朔入濠。門者疑爲謀。執見子興。子興見上。狀貌
奇之。與語大悅。留參謀議。凡有征伐。即命往往。輒勝。子興
日益親信。遂以所有馬。公女妻之。馬公宿州閔子卿人也。
素剛直。重然諾。愛人喜施。避讎定遠。與子興爲刎頸交。有
季女。衛者謂當大貴。公謀還宿州。起兵應子興。以女托之。
子興撫如已出。馬公卒。子興爲女擇配。以帝釋。有

智略。宜配之子。與妻張氏曰。今天下亂。君舉大事。正當收
衆傑成功業。一旦後爲他人所親。誰與共事者。子興遂妻
之。卽高后也。上在甥館。湯和委心推測。爲萬夫長。
上過臨淮。郭山甫驚異。急具饌。與交。惟酒酣。聽上備陳天
表之異。他日貴不可言。幸無相忘。山甫私語諸兒曰。吾視
若曹。皆非田舍郎。但可封侯。今始知皆以此公耳。宜謹事
之。後以女入侍。

自古帝王之興。必有奇徵異兆。如我太祖神光天
長。現機構。越百代而得統之。正同符漢。其家已肇于
齊梁之季。誌公足。祭時作詩曰。若問江南事。江南事有
爲。東鄰家道。隨處遇。明與一時。皆不能解。安仁來。致意
百年後。學昇。亡。周人以。離大解。西。成之。說。南。非。爲。費。道。

也軍之應。然第二句江南。事有馬。馬。諸馬。此聖人主
諸。即。未。爲。其。姓。也。而。屬。鎮。來。錄。者。謂。之。上。爲。成。中。
太。顯。登。極。之。年。也。成。爲。大。師。以。其。年。李。許。梁。又。明。年。成。
庚。戌。是。跨。大。也。司。而。自。南。而。北。抵。于。千。位。也。東。來。登。
元。主。交。遂。出。建。德。門。以。去。建。下。爲。安。德。爲。仁。也。東。鄰。指。
張。士。誠。開。者。漁。也。誠。士。誠。開。取。中。原。也。隨。處。全。隆。龍。盤。
虎。踞。神。龍。盤。結。而。虎。爲。之。先。始。隨。其。後。也。明。與。顯。然。
建。國。大。號。也。其。爲。太。祖。之。議。信。然。而。豈。區。區。偏。安。亡。
國。之。主。足。云。哉。哉。公。族。姓。朱。塔。于。鍾。山下。太。祖。上。其。
地。爲。孝。陵。改。塔。于。東。十。里。卽。今。之。靈。谷。寺。也。又。于。鍾。
鳴。山。建。寺。祀。之。傳。有。閩。刻。和。韻。意。者。太。祖。其。地。神。公。之。
再。世。了。江。南。一。大。事。因。緣。發。示。其。兆。葬。卽。其。地。神。公。之。
徐。壽。輝。將。丁。昔。郎。等。陷。漢。陽。諸。郡。又。遣。會。法。與。陷。安。陸。知。
府。止。驢。戰。死。又。陷。中。興。路。攻。沔。陽。推。官。俞。祖。道。捍。禦。城。陷。
被。執。使。降。罵。不。輟。支。解。之。○徐。壽。輝。破。江。州。蒙。古。總。管。李。
嗣。戰。死。

德。居。元。慶。計。方。國。珍。不。克。以。泰。不。華。爲。台。州。路。進。春。花。赤
招。諭。之。國。珍。降。亡。何。元。欲。伐。徐。州。命。江。浙。某。舟。師。北。守。大。
江。國。珍。疑。懼。復。劫。其。黨。入。海。不。華。發。兵。扼。澄。江。遣。義。士。王。
大。用。往。諭。國。珍。拘。留。不。遣。突。入。海。門。港。犯。馬。鞍。諸。山。不。華。
語。衆。曰。吾。以。書。生。登。顯。要。今。守。海。隅。賊。反。覆。不。能。制。國。家。
何。相。焉。諸。君。助。我。討。之。克。則。諸。君。之。靈。不。則。吾。以。死。報。國。
國。珍。使。其。戚。黨。陳。仲。達。僞。降。不。華。具。舟。張。受。降。旗。乘。潮。下。
垂。與。國。珍。遇。呼。仲。達。語。仲。達。目。動。氣。索。不。華。覺。其。詐。手。斬。
之。前。擄。賊。船。格。殺。五。六。人。賊。羣。至。欲。擁。過。國。珍。船。不。華。瞋。
目。叱。之。牽。刀。殺。賊。賊。攢。槊。刺。之。中。頸。死。猶。植。立。不。仆。投。其。

續

中

續

續

屍海中事聞。追贈江浙平章封魏國公諡忠介。
五月元御史徹徹帖木兒等言羣盜多引亡宋故號宜從
帝暴于和尚完普及親屬于沙州安置禁人交通從之
七月徐壽輝將項普略掠徽州遂來攻杭州城中猝無備
元江浙參知政事樊執敬遽上馬率衆出中途與賊遇乃
奮力砍賊中鎗而死時重博帶從平章教化征安豐乘勝
攻濠州會朝廷移軍援江南遂渡江至德清而杭州已陷
教化問計博帶曰賊見杭城子女玉帛必縱欲不暇爲備
宜急攻之若退保湖州賊乘銳趨京口則江南不可爲矣
教化不能決諸將亦難其行博帶曰公江浙相君方面失
陷而及今不取誰任其咎復拔劍誦諸將曰相君在是敢
有慢今者斬遂進兵薄杭州賊迎敵博帶麾壯士突前諸
軍相繼夾擊凡七戰賊奔接特寺塞其門而焚之皆死遂
復杭州已而餘杭武康德清於潛安吉千秋關皆次第以
平賊衆潘大淵梅元等俱以其徒來降尋進克廣德斬饒
諸賊復犯徽州賊中有道士能作二十里霧博帶引兵擊
之賊大潰斬首數萬級擒道士焚其妖書斬之徽州遂平
九月元脫脫攻破徐州芝麻李遁去趙均用彭早住奔濠
州脫脫命賈魯圍之上與子興極力拒守
十一月元江西行省平章政事吉星擊徐壽輝將趙普勝

戰於湖口兵敗死之吉星初爲南臺御史執政惡之出爲
湖廣平章至是移江西吉星馳赴任比至江東復有詔令
守江州時江州已陷趙普勝周驥等據池陽太平諸郡號
百萬吉星募兵得三千人趙銅陵克之擒驥奪其船六百
艘軍聲大振遂復池州分兵攻石埭諸縣進據清水灣又
大破之賊久圍安慶聞風燒營遁去遂進復湖口縣克江
州留兵守之命王惟恭柵小孤山星自據番陽口綴江西
要衝以圖恢復日久援不至賊乘大艦來攻編葦後塞上
下流火之星率兵力戰衆死且盡星猶堅坐不動中流矢
而仆賊素聞其名不忍害昇至密室乃蘇羅拜饋食星斥
之曰七日乃自力而起北向再拜曰臣力竭矣遂絕星河
西人憐思吉之子也
十二月彭趙據濠稱王時二人本以窮處來奔子興及屈
已下之事皆稟命遂爲所制會賈魯死圍解遂據濠以孫
德星等爲已用趙稱永義王彭稱魯淮王一日執元帥四
於獄上自軍歸曰再生父母有難可不赴乎遂入元帥
家明日彭趙聞遣人釋之
癸巳元至正十三年
春上在郭元帥錫館掌兵有救天下安生民之志乃糾
合義旅招延豪杰於是鄉里壯士徐達等數十人率先歸

附 左列二十四將皆添產後並為開國元勳封公侯

徐達 湯和 吳良 吳禎

花雲 陳德 顧時 費聚

耿再成 耿炳文 唐勝宗 陸仲亨

華雲龍 鄭遇春 郭子興 郭英

胡大海 張龍 陳植 謝成

李新 張赫 張鈐 周德興

三月元命江浙左丞帖里帖木兒南臺侍御史左答里失

里招諭國珍國珍請降然心猶豫不決二人遂以得降報

請授之官時劉基為浙東行省都事建議謂方氏宜

捕斬之執政多受國珍賂者罪基擅作威福竟授國珍

州路治中第國璋廣德路治中國瑛信州路治中督今之

官國珍疑懼擁船據海道阻絕糧運元復遣江浙右丞柯

兒溫沙率兵討之國珍遂執元帥也忒迷失守臣宋伯顏

不花趙宜浩等入海以要詔命元復以國珍為海道漕運

萬戶國珍為衢州路總管自是國珍雖受元官實擁兵據

有溫台慶元等路

高岱曰元末諸將惟國珍舉事最早其所就業最廣觀其經營為益及後項許人其非有長策遠矚之才取賊定霸之略特元失之其惡至此也吾於元人處國珍一事而知其必亡矣夫招安大盜乃為下策乃招之不從又招之既從而復叛復招之崇之以高官大爵而不能得其亂既優之以卑賤珠璣而不能解其兵則亦

何利而自取損如是耶不惟國珍有長策遠矚之心門方觀視者聞之亦奚解而不爾兵也此等事在元已開猶設之勢有所不能而國珍之計則攻之其未起也其在元謂之背盟以天下之全力不能制一海隅之耶則對之不可制如元之必不勝也於國珍服則得之不疑叛則討之不赦就其運還賢子雖然國珍當布公豈非天地覆載之初其指迷順逆成敗甚明此非有過人之識不能也使其率義旅歸附不失為國之元勳矣乃反獲觀望孤疑不自失卒至國滅身喪悔之胡特中日猛虎出林蛟龍失水人皆得以制之國珍胡其請降厚以賂之江海以自固蓋未可以易勝也若手尼之則雖強暴之性可馴而為忠義矣乃以治中膠之能路是誠其想而使之再叛也元朝

五月張士誠陷公郵元淮南行省遣守臣李齊招降之不

獲大攻陷興化縣元行省以左丞侯哲為守高郵出李齊

守甓杜湖會數賊呼噪乘間入掠城中侯哲驚等聞之倉

卒遁走士誠即入據高郵李齊聞變還趣城城門閉不得

入士誠稱王國號周改元天祐元遣集賢侍制馬兒孫

揭齋詔諭之詔言請李知府來始納詔行省趣李齊往至

則下之獄并拘詔使不遣又叱齊使跪齊不屈大罵曰吾

勝如鐵豈為賊屈士誠怒使曳倒提碎其膝而剛之時論

大廷三魁若李翻泰不花李齊皆不負所學云

上率徐達等略定遠張家堡有民兵號驅牌寨上與費

聚等三百人抵其營以計取之得壯士三千有奉北頭者

聚眾於鄒鼻山結寨。後以義招降之。得八百餘人。定遠終
大亭。初起義兵。為元攻。遂不允。元兵潰散。大亭獨以二萬
餘眾屯橫澗山。上命花雲等夜襲破之。大亭乃舉眾降。
○定遠人馮國用。年儀峻整。器量恢豁。弟國勝。美貌長驍。
勇毅多智。兄弟並喜讀書。尤喜讀孫武子。講論兵法。夜分
不寐。因亂里人推為義長。立寨保障鄉曲。至是遇。上略
地至妙山。國用率所部來。上見而奇之。曰。爾被服若是。
其儒生耶。因問定天下計。將安出。國用對曰。金陵龍蟠虎
踞。真帝王之都。願先拔金陵而定鼎。然後命將四出。掃除
羣寇。救生靈於水火。勿食子女玉帛。倡仁義以收人心。天
下不難定也。上大悅。曰。吾意正如是。遂待以心膂。俾兄
弟皆居帷幄。贊兵政。預機密。宿衛左右。國勝後改名廣。又
字宗異。○定遠人李善長來謁。上見其為長者。禮之。與
語竟日。皆合。上大喜。遂留幕下。掌書記。預謀議。贊軍務。
畫餽餉。甚見親信。上從容語長曰。方今羣雄並起。非有
智者不可與謀議。吾觀羣雄中。持策牘及謀事者。多毀左
右將士。將士弗得效其能。以至於敗。主者安得獨存。故相
繼而亡。汝宜鑒其失。務協諸將。以成功。無效彼所為也。遂
與俱攻滁陽。下之時。廬州合肥人吳復。沈鷺。少言笑。勇略
過人。遇亂聚眾立寨。保護鄉里。復為千戶。至是率所部伏

謁。上命領前鋒。○定遠人丁德興。歸附。德興號勇善戰。
面黑貌偉。上以黑丁呼之。六月。從攻洪山寨。敵兵數千。
德興所率者。纔百人。一鼓而破之。擒其偽帥。降其眾。○
上將兵取滁州。時花雲為先鋒。單騎前行。遇賊數千人於
道。顧後騎尚未至。欲退不可。雲提劍躍馬奮。上橫衝其
陣。而遇賊大驚。曰。此黑將軍。勇甚。不可與爭鋒。○滁州人
趙德勝。來謁。狀貌魁偉。膂力過人。能馬上運槊。捷疾如飛。
州縣還為義兵隊長。德勝知時事。不可為素之來歸。上
喜其才勇。即命為帳前前鋒。○兄子朱文正。及姊子李文
忠。來歸。文正。南昌王子也。先同其母避亂。與上失焉。文
忠。曹國長公。主子也。公主卒。父隴西王禕。携文忠走亂軍。
中。幾不能存。至是皆來歸。眷屬復聚。上喜甚。文忠時年
十二。見上。牽衣而戲。上曰。外甥見舅。如見娘也。即取
文忠自養。育。擇師教之。與沐英皆賜姓朱氏。英。定遠人。先
是英年八歲。因兵亂。父母俱亡。焚然無依。上見而憐之。
與孝慈皇后撫育之。為子。至是十歲矣。
六月。上駐節滁陽。彭早住。趙均用。遣人邀上將兵守
盱泗。以二人麓暴淺謀。難與共事。辭不往。二人卒相吞併。
戰士多死。早住亦亡。惟均用專據濠州。狠戾益甚。于興塾
孤遂將其所部萬人至濠州。見上所將兵。號令嚴明。軍

容整肅大悅

七月丁卯泉州兩白絲海水日三潮。○江西賊王善既陷羅源因攻福州連江縣巡檢劉潛募壯士與其子德拒賊數與鏖戰潛中箭墜馬德下馬掖之俱被執送馬賊而死德亦以死拒賊善義而釋之使收潛尸斂瘞德歸請帥府兵以復讐弗聽因盡散家貲結死士百人詐為工商流丐入賊中夜半發火大噪賊驚擾自相殺德手斬害其父者張破四并擒善及陳伯祥獻於帥府磔之事聞元朝贈德行省檢校授德古田縣尹

切中曰劉德孝足以復父之讐德足以報君之賊皆以保一方故

十一月西番僧教元主行房中運氣之術號稱見法術推見者術言大喜樂也又進僧伽璽真善秘密法元主皆習之詔以西番僧為司徒伽璽真為大元國師各取良家女三四人奉之謂之供養嘗謂元主曰陛下尊居萬乘富有四海不過保有見世而已人生能幾何當受此秘密大喜樂禪定於是元主日從事其法廣取女子惟淫戲是樂及選宮女一千六人按舞名為天魔舞首垂髮數辨戴象牙冠身被纓絡大紅銷金長短裙襖雲肩令袖天衣綬帶鞋襪各執加巴刺殿之器內一人執鈴杵奏樂用龍頭笛

元主之政元國
之政元國
之政元國
之政元國

管小鼓箏纂琵琶笙胡琴彈板拍板以宦者長安迭不花領之遇宮中讚佛則按舞奏樂宮官受秘密戒者得入餘不得預元主諸弟八郎者與哈麻妹塔克魯帖木兒及老的沙等十人號倚納皆有寵在帝前相與褻狎甚至男女裸處號所處室曰替即兀該猶華言事事無礙也君臣宣淫而二僧出入禁中無所禁止臘月外聞皇太子既長深疾二僧等所為欲去之未能也

甲午元至正十四年

九月張士誠攻揚州元達識帖睦爾與戰軍潰江浙恭政佛家奴與戰軍又潰士誠進陷盱眙兵勢益振元主乃詔

脫脫以太師中書令右丞相總制諸王各省軍馬董督總兵領大小官員將士以討士誠於高郵太破之士誠突圍走出

十月元兵克高郵分兵圍六合六合帥遣使來求救滁陽王與其帥有隙怒不發兵使者訴其情甚急上謂王曰六合受圍無救必斃六合既斃大將及滁豈可以小憾而棄大事王意少解欲遣他將率兵以行時元兵號百萬諸將畏之莫敢往皆託以時神弗吉為辭王乃召上將兵往亦令時神上曰事之可否當斷之於心何必結也遂帥師往與取再成守瓦梁礮元兵每日暮攻礮垂陷復

太監生

精

太監智保
蘇州

其孫預選
郊宗非天說

大教已定

去明旦復完。與戰如是者數四。元兵致疑。上以計。始之。乃飲兵入備。換糧。遣婦女倚門。執手大罵。元兵相視錯愕。環壘不敢逼。遂列陣而出。牛畜婦女居前。丁壯翼之。徐引而去。遂還滁州。既而元兵大至。欲攻滁。上設伏。潤側。令再成伴走。誘之渡。潤伏發。城中鼓譟而出。元兵大敗。滁城得完。○虹縣胡大海來謁。長身鐵面。智力過人。上一見語合。用為前鋒。○濠州孫興祖。王志來歸。興祖剛毅有膽氣。志鷲猛有智謀。二人年皆十九。○上威名日著。滁陽王二子惡其勝已。陰置毒酒中。欲害之。其謀預洩。及二子來邀。上即與皆往。略無難意。二子喜其墮計。迨至半途。上遽躍起。馬上仰天。若有所見。少頃。勒馬即轉。因罵道。爾今以毒酒害我。二子駭汗浹背。下馬拱立曰。豈敢如此。豈敢如此。遂逡巡而去。自此不敢萌意。○時有鐵冠道人。精數學。謂上曰。天下擾擾。非命世之主。未易安也。以今觀之。非明公而誰。上問其意。對曰。明公狀貌非常。龍騰鳳目。天地相朝。五岳相附。日月麗天。附骨插耳。聲音洪亮。實不可言。受命應在千日內。○初脫脫之再相。信用汝中。柏由左司郎中參議中書省事。平章以下。見其議事。莫敢異同。惟哈麻以有德於脫脫。不為之下。汝中柏因諂之。

人語之義
當以脫脫
為正

脫脫改為宣政院使。哈麻深銜之。至是。噶賽因不花等。劾脫脫出師三月。畧無寸功。傾國家之財。為已用。半朝廷之官。以自隨。其弟御史大夫也先帖木兒。庸鄙貪淫。玷汚清臺。章三上。詔削脫脫官爵。淮安安置。也先帖木兒安置寧夏。陞泰不花為河南行省左丞相。月渾察兒加大尉。雪雪知樞密院事。代將其兵。詔至軍中。龔伯璉曰。將在軍。君命有所不受。且丞相出師時。嘗被密旨。一意進討。可也。詔書乃勿開。則則大事去矣。脫脫曰。天子詔我。而我不從。是我與天子抗也。君臣之義何在。既聽詔。頓首曰。臣至愚。荷天子委。以軍國重事。早夜懼弗克勝。一旦釋此重務。上恩所及。深矣。即出名甲名馬。分賜諸將。俾各率所部。以聽月渾察兒等節制。客省副使哈刺答曰。丞相此行。我輩必死。他人之手。今日寧死丞相前。遂拔劍自刎而死。十二月。元主自製舟式。長一百二十尺。廣二十尺。前瓦簾棚。穿廊。兩後閣。後宮殿樓子。龍身并殿宇。用五彩金粧。前有兩爪。用水手二十四人。皆衣紫衫。金荔枝帶。自後宮至前宮。山下海子內。往來遊戲。行時。龍首尾口眼皆動。又自製。漏高六七尺。廣半之。造木為櫃。藏壺其中。運水上下。櫃設三聖殿。櫃腰立玉女。捧時。刻等時。至輒浮水而上。左刻二金甲神人。一縣鐘。一縣鉦。夜則神人自能按更。